



先大父歷官中外政績彪炳初不藉詩  
以名而天性真摯道味充腴往往信手

拈來有專門名家竭才思



諧力之所造

而不克道其隻字者猶憶乾隆丁未戊

申間隨侍

先大父於淮城節署每見

公餘輒臨池學書凡古人名搨靡不洞

見堂奧終日臨撫無倦容至拈韻賦詩

則偶見於賓朋贈荅目時託興而已故

所作無多厥後奉

命西陲舊稿益多散失塞外諸作乃由

龔君楚香展轉購寄得之暇時校訂編

次如右手澤之存僅僅有此幸已抑又



悲已我

朝大東景運集曾選登若干首舊載姓氏小傳謹錄以弁首又任畏齋節鎮所述先大父行略并以附刊為覽斯編者論世知人之助其吳香亭先生所為傳淮士民已鏤板傳世故不復載

二

道光五年四月朔日孫男薩迎阿謹識於  
湖南長沙郡署之霍榮堂



張以卷  
陸大東景運集曾選登若干首舊載姓氏小傳謹錄以弁首又任畏齋節鎮所述先大父行略并以附刊為覽斯編者論世知人之助其吳香亭先生所為傳淮士民已鏤板傳世故不復載

題詞

長白名家紆青華胄望隆執穀躬膺五等之封續奏飛  
芻力輓千艘之運自饒逸興筆屢生花偶值長吟時方  
對雪潞河短棹欣舊雨之重逢濟水清樽訝新篇之疊  
見登南旺而側身懷古淵源尋宋白之踪歷西灣而握  
手談文意氣壓應劉之輩憶梅花于隴上羌笛三更吟  
柳絮于天涯襜帷千里身安命立譚元而不墮禪機凍  
解舟行得句亦宛邀神助此則潘江陸海非淺識之能  
窺宋艷班香亦餘情之所寄者矣

震竭來淮上快敘尊

題詞

前瞻山斗而夙蕪心香望星雲而長披手筆記昔同舟  
破浪曾陪嘯詠于木蘭於今列坐論交不異周旋于金  
粟勞人草草頓豁愁眉遠道綿緜還憐病骨一編携去  
方鼓柁于中流百番唵來每挑燈于半夜緬大觀而入  
夢疏小敘以言情敢詡肩隨聊同尾續乾隆丁未嘉平  
下浣沈啟震敬題



小傳 見大東景運集正編卷三十一

毓奇字鍾山一字竹溪累遷兵部侍郎漕運總督著  
有靜怡軒詩集

謹按鍾山於河漕頗著政績淮人至今猶有祠  
宇余督漕淮上士人刻吳香亭所撰遺傳送閱  
其感人之深如此詩特其餘事鍾山固不必以  
此增重也

小傳

一

小傳

毓奇字鍾山一字竹溪累遷兵部侍郎漕運總督著

小傳 見大東景運集正編卷三十一

行畧

公姓鈕祜祿氏諱毓奇字鍾山別號竹溪滿洲

鑲黃旗人先世居長白山英萼峪六世祖諱額

宜都事

太祖高皇帝爲

開國佐運功臣號巴圖魯封弘毅公高祖諱車爾

格弘毅公第三子官至戶部尙書曾祖諱拉哈

達官工部尙書寧海將軍

國史俱有傳祖諱祐德拜唐阿父諱伯興工部郎

行畧

中監督打箭爐稅務居官廉正性仁厚與弟赫

昇額至友愛母他塔喇氏公生而岐嶷穎悟至

孝性成幼失怙恃哀慕如成人家貧力學年二

十三考補內閣中書初工部公及他塔喇夫人

以晚年生公慮不及見婚娶親擇宗室散秩大

臣增昇公之女聘爲公室及長忽嬰篤疾其家

遣人議罷婚親族中咸謂可允公獨踞叔父前

力請曰此婦吾父母所命者不敢違且始字我

無故乃今嬰疾命也何尤背之不義叔亦臆之



卒成禮卽公元配夫人也夫人歸公後疾竟愈  
生一女卒人以爲公孝義所感云乾隆二十九  
年陞內閣侍讀時傳文忠公秉政公因事進讜  
言文忠公納之遂心識公踰年簡補軍機處章  
京遷吏部郎中掌銓務皆文忠公薦也三十四  
年文忠公奉

命經畧滇南軍務以公署內閣侍讀學士管經畧印  
鑰從征緬甸仲夏渡瀘深入由猛拱進攻新街  
直搗老官屯水陸接戰身冒矢石復監造大炮

行畧

二

摧燬賊柵書奏填委軍機諮畫著有勞績明年  
班師回京軍功議敘加二級紀錄三次尋調工  
部郎中陞江西道監察御史轉吏科給事中兼  
管戶部銀庫事務四十六年九月奉

命巡視山東漕務時河決考城東注曹兗湖河泛溢  
交連運道多阻公蒞東已屆歲暮身乘小舟觸  
冒風浪履度形勢會疏具

奏請自濟寧迤南至江境黃林庄三百四十里內  
分爲五段籌辦以備開春運行第一段濟寧以

下八十五里兩岸河堤有間段未淹者宜先就  
一岸或排椿埽由或加築子埽使一律高出水  
面以通緯挽第二段建利閘以下第三段珠梅  
閘以下共一百四十里河之兩岸或東連蜀山  
湖或西連南陽昭陽二湖堤身沒水已深河形  
難於辨別糧艘宜改由湖中行走惟水勢浩淼  
四望無際風浪洶湧宜安設水站十五撥每撥  
用大船六七隻沉錨結纜分兵戍守樹立高桅  
晝旗夜燈以備風色失利指認依泊仍用小船

行畧

三

百餘隻分帮接引仗錨帶纜益資保護第四段  
郝山以下三十五里其間逼近微山湖西岸馬  
令閘一帶石工被浪撞擊脫落水中漕艘宜由  
望湖亭繞行河外東坡北上惟該處坡水亦在  
瀾漫應一路探量標記河身仍用小船導引以  
防觸碰淺擱仍於望湖亭石岸轉角處廂做柴  
土軟壩以便迎溜挽纜隨灣入坡第五段自韓  
庄以下九十里逼近湖口八閘水勢悍急漕船  
一入東境宜由各閘月河繞行以避溜勢而月



河均在東岸是以擬就東岸填築柴壩以通緯道或遇有決口應留爲洩水之處搭架橋梁溜恩勢爭折之處相勢設關絞洩俾無稽阻疏奏蒙旨允行公復力任其役及春漕運無阻

四十三

上甚嘉悅擢陞內閣學士兼禮部侍郎鑲紅旗蒙古副都統襲封一等子差竣仍留巡視東漕任四十八年曲家樓大工合龍河復故道先是公

疏陳山東各湖積水過大一時未能暢洩明春濟寧以南河道尙恐未能全形涸出重運回空仍

行畧

四

難尅期江浙幫船路途尙近維湖廣江西各幫總例在最後行走而路遠船重且值今歲湖河滂溢倍屬遲延計其回次已屆兌期船無修艙之隙丁有疲乏之累將來豫省大工告成沿河水土甚勢消落堤閘土石各工均須及時興動是來歲旨江廣空船尤宜籌令早出東境查四十三年

恩旨普免天下漕糧部臣原議按省計程分年輪免今臣擬請以部定輪免五十年漕糧之湖廣省南北各帮及五十一年漕糧之江西省各帮與

應輪免四十七八九年漕糧之浙江安徽等邦  
量相移易年分俾得先期減歇丁力可紓而東  
省河工亦可及早興動疏奏

上嘉許

勅部速行二月陞漕運總督兼兵部尚書都察院右  
都御史龔爵如故公感激

殊遇益厲清勤虛懷接下諮求利病以重米色卹  
丁力嚴釐運禁腴削爲先務首具疏請定僉審  
不實徵津不力之處分畧曰漕糧起運首重僉

行畧

五

丁僉選不實爲害匪細近年以來各省軍丁有  
紳矜富戶規避差運一遇報僉百計營謀冀脫  
軍籍府州縣衛偏袒賄斷變軍爲民每僉一丁  
賣放者數戶編審一次賄脫者逾多轉令赤貧  
之徒承充起運侵盜虧折虛報失風霉變弊皆  
淵藪於此臣請嗣後凡有僉選之丁承僉官卽  
按四年審冊擇殷僉送予限兩月不准遲延凡  
屆編審之年務將軍丁戶口田土產業據實詳  
查造冊由本管道府結報臣衙門備核如有疲



丁悞運之事卽照二十七年前任漕臣楊錫紱奏叅湖廣省運丁脫逃之例將承僉結報各官實降二級不准抵銷作奸納賄另劾嚴懲以清積弊又江西各衛贍運屯田有歷久輾轉沒入民戶中者前於清屯案內俾量出津費給軍濟運又江南徐州衛有坐落湖北之丁名曰楚軍因遠難預僉亦議徵津費又江南江淮興武二衛軍丁內有曰快丁者向亦不行勾僉祇貼運造之費其銀均歸各州縣徵解各糧道衙門按船散給報部有案乃近歲每年拖欠不下十之七八濟運無資丁疲日甚推原其故皆由州縣官膜視運務催徵不力甚至從中侵蝕挪用混入戶欠希圖牽延臣思旣係津貼運費卽與正欸無異請照地丁錢糧之例嚴定徵催不力處分期得實濟

行畧

六

上是其奏

勅部議行又陳漕事畧曰漕糧米色

國計攸關必須乾圓潔淨方可歷久儲積二十四

年江蘇浙江各督撫具奏因被風潮米色未純請通融辦理紅白兼收併  
到通之日另倉積貯先儘支放卽奉有

嗣後不得援以爲例之

飭旨迨上年江浙二省又有霜信早寒米色不純之  
奏奉

旨毋事苛求此乃出自

皇上鴻慈督撫諸臣身受

重恩自無欺飾第恐不肖州縣藉爲口實遂爾濫收

行畧

七

潮雜之米率意兌交通同胥吏舞弊作奸勢所  
必至其漸難長臣查米色之紅白本乎天時而  
質地之乾潮關乎人力如果有漕州縣並不額  
外浮收小民亦自樂以乾潔之米上倉輸納更  
加平時修整倉厰臨倉逐細風篩曬晾何有潮  
濕之患米質一乾卽堪久儲亦豈虞霉變虧折

臣請

特頒諭旨

勅下有漕省分各督撫督飭道府州縣廉慎兌收卽



遇雨水失調之年亦必設法風涼不得再有藉口混兌潮米以重

天儲又各省旗丁應支行糧月糧原以贍軍濟運必須充足而各幫支領向例定有半本半折或全支折色之不同其折價又皆定自順治十三年及康熙初年如鎮江衛行糧每石折銀八錢月糧每石折銀五錢江淮興武二衛月糧折銀八錢寧波紹興台州溫州金衢嚴州處州七衛月糧折銀一兩二錢今百數十年來

行畧

八

聖朝休養生息戶口繁滋食價倍長現計所領一石之銀僅敷買數斗之米終年南北挽輸丁情日形疲累今請將鎮江衛行月糧價通增爲一兩二錢卽在該管糧道庫貯漕項減存銀內增給其江興寧紹台溫金嚴處各衛折色月糧全行改爲本色卽在各管籓司衙門地丁南米項下兵餉支剩變價米內撥給庶民不加賦而丁力資裕矣奏入

特旨允行前明海州衛軍丁迨

國朝初年仍資戍防至雍正年間始專設海州營而衛戶久閑尚沿舊例未行僉運至是公不動聲色按籍徐查遂清出一千一百餘戶

奏請一體備僉又爲江淮興武淮安三衛

奏請借帑承買入官田畝各三十餘頃收租濟運爲廬州衛

奏請借帑贖回典出在民贍運屯田四百餘頃

爲豫省通天等十幫

奏改兌糧水次於內黃縣之楚旺鎮以避衛河四

行畧

九

百餘里灘淺運丁歲省撥費不貲自此各衛丁船漸稱饒足自四十六七年黃水爲患湖河泛

溢

上連歲

命公督理山東河道公多方規畫身督工作無漏無

夫浮湖河漑濟運道旣通復至上游曹單城武定

陶鉅野金鄉魚臺各邑凡有河渠漫灘關於利

害者無不親歷其地相視高下諮訪農野因勢

宣導淤墊悉疏田廬盡涸灾氓賴焉乙巳淮城



旱蝗四起公甫從東省工次回署齋宿出禱甘  
霽立應淮城水利久廢文渠諸閘不開城中之  
淤積不清民多濕疾市河諸閘不通城外之舟  
運河涵洞啟閉常與漕事利害相反司漕者往  
往不及顧民田公獨委曲調劑俾兩濟焉兩淮  
歲饑公首發議

奏請截留漕糧賑糶兼施全活無筭清黃並漲蠲  
資力疾鳩工集料爲捍禦計又採形家言建文

行畧

十

昌宮於麗正書院之東以迎異氣加諸生膏火  
資延師必耆宿課士先行後文郡中之問甲文  
名遂由此而復盛矣蓋公督漕在淮一以前任  
楊清恪公爲景行故其措施者如此五十四年  
湖北臬司私於漕船帶木植公失察去官旋蒙  
恩命以頭等侍衛充新疆烏什駐辦大臣明年又因

事鑄級量移喀什噶協辦事務襲爵均如故五  
十六年辛亥十月廿一日遇暴疾卒歸葬於京  
距生雍正十三年乙卯四月一日享年五十五

繼夫人瓜爾佳氏子三長圖翰禮部主事次圖善

乾清門三等侍衛次圖沁吏部筆帖式長孫薩迎阿官學生公修幹雄偉性直寡言篤於藝倫勇於行義居官識大體多可稱述茲特節錄其關於大者公歿訃至淮士庶軍民巷哭而祠祀之亦如清恪公之德久弗能忘云

行畧

士



善六年卒  
難夫人瓜爾佳氏子三長圖翰禮部主事次圖



靜怡軒詩草

長白毓奇竹溪

秋日木蘭道中口占

秋盡木蘭路羊腸觸處通  
旆翻紅葉雨雲捲翠屏風  
飛鏃驚馴雉迴溪躍怒驄  
追隨屬車後無復畏穹窿

賞鹿

羊腸河北駐行營  
四面雲山一望明  
萬騎忽來傳得鹿  
千官拜賜荷

恩榮

靜怡軒詩草

巴彥溝道中小雨

木蘭好景足勾留  
面面雲山觸目幽  
漫道征塵侵客袂  
一鞭風雨趁殘秋

伊綿活羅卽事

老樹虬藤聳碧天  
翠屏深染柳溪烟  
谿谿峻坂馳千騎  
笑兀驚麕斃一弦  
綠草鋪茵宜野幕  
青藜吹黍近花田  
清秋扈從欣遊目  
白露丹楓尙昔年

木蘭隨扈  
今已四次

九月八日夜出木蘭趨張家營途中口占

策馬周陞外村燈徹夜  
明雲從千嶂轉月傍亂山行雁

字霜中斷駝蹄雨後輕重陽明日是客路正怡情

夜雨出木蘭

瀟瀟寒雨灑平崗小隊長驅夜未央凍結叢燕山徑滑  
風吹落木客衣涼郎當鈴馱高還下斷續柴車緩復忙  
野趣年年消受慣黃花時節塞天長

多們昂阿山坡晚眺

驛柳纔黃雪滿屯西風點綴玉梨春

邊雪凝凍柳枝宛若梨花

高起仍山頂新月低臨自水濱去馬遠嘶原上草居人  
同現畫中身平沙十里天光迴俯仰成詩妙入神

靜怡軒詩章

二

丙申季秋過竹巖大兄齋中次壁間遣典原韻

悟往知來無所營塵心了徹道心生當年數語輸忠悃  
此日一身空宦情問柳春郊詩自賦看山秋寺酒孤傾  
煩襟滌盡茅齋穩畎畝何須覓耦耕

過鄭州道

萁爾任邱縣居然禮教崇老農勤耔種村婦尙絲紅古  
蹟瞻詩壁雄心契仲公石門何處是我欲拜遺風

自滕至嶧途中漫題

萬頃膏田一例平天邊雲樹望暝暝淵源洙泗無窮碧



截竅龜蒙自在青驛子避人空舍去牧童驅犢傍溪停  
箇中物理堪等繹笑指吟鞭到旅亭

晚走長隄望蜀山湖口號

萬頃碧波湖上雪滿輪秋水月中人無邊風景資臨眺  
畫出維摩句禪神

冬日途中曉望

雪岸衝寒逸邇行嶺頭初日照晶熒烟雲澹沱平湖遠  
透出天邊一段青

歲暮查工過蜀山湖

靜怡軒詩草

三

隔岸憑臨景物賒四圍天塹望無涯青葱佳樹含春色  
淡蕩湖光掩暮霞鞅掌頓忘寒盡歲疏排頻試冷淘沙  
故鄉回首情無限好起東風賞若耶

春日同沈青齋楊西喬二觀察遊獨山朝陽洞望

獨山詩湖中作

獨山何處識奇蹤纔到中天便不同洞闢朝陽臨絕巘  
湖開平野倒晴空碧泓遠引孤帆入蒼翠微容曲徑通  
共坐汲泉欣淪茗塵心滌盡氣冲融

人日泊石佛牖和韻

綵勝迎春景色妍輕舟恰到鏡湖邊數聲風櫓搖晴日  
幾處漁罾掛夕烟牖上等碑看石佛舟中問水索銀編  
敢言奉使懷牛渚幸接袁公一暢然  
烟樹朦朧照水痕喜逢人日簇金幡舟從柳岸移新月  
火近漁家掩葦門承

命幾經籌重運竭才一任討真源山青水綠渾閒事試  
把圖經仔細論

癸卯仲春寄贈任畏齋

半生少知己誰爲投分人因緣各有定鮑管奚足論獨

靜怡軒詩草

四

行千里騏驥健同飛到處鴛鸞馴壯哉山右任公子六  
鰲一釣連千鈞傾蓋交深世莫比同舟誼切常相親君  
放歌我起舞舊事新愁爲君吐憶昔先公血汗樹奇勳  
奮勇捐軀闢疆土飛章入告驚  
九重一時震悼忠魂苦

殊恩廕卹撫孀孤禮備榮哀

優詔普韶齡入覲甫傳宣羣羨英姿動

明主甘泉隨侍賜佳名奇遇當時真罕覩青雲得志果  
能酬淹雅通今還博古麒麟有種自



天裁不就詩文權事武仁者之勇何可當八石弓開能  
射虎西南歷遍薦宏猷

紫誥欽頒鎮東魯五載搃防展巨謀雄威浩德森旗鼓  
煌煌嘉天語屬忠勤特命星軺觀御宇八騶馳雲玉旒搖  
彤庭三接嘉征虜九天如日霽  
龍顏

靜怡軒詩草

五

御殿當筵賜麟脯上林數入侍

楓宸奏對每經晨至午

陛辭返轡過青齊遮道軍民瞻袞黼岱嶽遙迎羽騎來  
汶流清起蘭船撫兩行細柳颺春風八座將軍歸克府  
我爲君吟重綈袍雅蒙君義同醇醪欣聞

寵遇騫鵬翮壯氣因君亦並高離愁別緒滿胸臆相期  
莫憚勞復勞君不見太白樓頭新月一鈎上賦詩酌酒  
正待與君相遊遨

和任鎮臺鄒山垂露軒與友人話舊韻

嘹嘹雁陣欲衝寒白石灘頭把釣竿擬向微湖閒問水  
故人舟已遠相看  
莫謂尋幽客影孤欣逢知己到名湖別來情緒猶今日  
淮海諸君問我無

話別雲山秋乍經相逢又見雪層層聯床回憶江南事  
風滿蒲帆魚滿罾

慚愧剡溪撫釣藤邨公山上白雲層樽前多少別來意  
挑盡寒牕夜半燈

自夏鎮移舟過獨山湖憶韓蘭亭主人口號

靜怡軒詩草

六

一水盈盈八十里春波面面起平湖臨風缺望獨山遠  
欲寫重遊向畫圖

碧流萬頃望無涯風滿雲帆送客楂蛟窟不知何處是  
怒濤疊浪拍晴沙

湖上春波望欲迷湖邊春柳一絲絲歸帆又向南陽路  
幾許相思付酒卮

無計留春惱客腸薰風時已到河陽

日正  
立夏

花飛鶯老渾

閒事坐看遊魚逐野航

三月晴湖籠夕烟碧波如染柳如眠蘭舟近日應乘興



佳句新題滿畫箋

扁舟獨夜趁風還  
路轉沙堤水繞灣  
天際故人應念我  
輕帆已掠幾重山

記夢

置身恍似近瀛洲  
玳瑁爲梁玉作樓  
雲島帆檣天漢上  
仙宮花草鳳池頭  
隔簾人影春燈瘦  
滌耳琴音竹舍幽  
無數嬌鶯啼柳岸  
幾多怒馬控銀鈎  
輕雷細雨芙蓉颭  
水碧山明霧露收  
乍聽曉鐘驚客枕  
渾疑清夢入虛舟  
性靈有著方爲智  
心印無痕庶免憂  
鼠臂蟲肝終是幻

靜怡軒詩草

七

何如天地一蜉蝣

舟中有所思漫題

生物本天地因適各得宜  
自有性與命造化先憑之  
譬夫草木質生亦秉天資  
春來好風雨隨時俱蔓滋  
秋霜苦搖落榮茂無多時  
人生具全體精氣聚於茲  
動靜兩相值窮達貴不溜  
若以私欲遷日漸蔽所知  
試看籠中鳥尙憶奮飛遲  
祇恨入羅網不悔戒貪痴  
所以仁智士鏡鑑無芥遺  
雁去潭虛影風過竹自猗  
凜然畏天命澹泊循坦夷  
良知兼良能心印卽吾師  
出處貞而潔是非

靜以持四時含元化一卷樂軒羲青松拂琴衲白酒沁  
詩脾榮枯且莫問修短總難期祇以無妄心對此日熙  
熙俯仰無所慙何愁困與饑口給慎三緘心閒穩四肢  
守之以爲寶天心應在斯臨流感物理聊以記吾思

獨山湖上口號

湖水連天勢亦雄湖光瀲灩倒晴空西江烟雨鮫人室  
南極風雲龍母宮幾處遠山濃淡裏數聲柔櫓有無中  
忘機坐看消塵慮無語停盃月轉東

獨山湖停舟晚眺

靜怡軒詩草

八

萬頃平湖一鏡開帆停風靜獨山隈試舒望眼隨波去  
剛見天邊送月來

壬寅冬復來山左偶於行館獲二小石一如雪浪  
一似冰綃透漏瘦削儼然如畫因供置案頭暇  
時賞玩頗可釋煩戲題一律

異石何年出古湫化工無意狀雕鏤風翻雪浪層層現  
花縞冰綃片片浮杜老盆中休著玉蘇翁夢裡恰同仇  
明年携向東華去不負河干二載遊



東山誰識老風流，聖裔于今不二儔。半世利名知有命，一心孝友足無尤。他年妙墨傳鈎畫，近日名家法警遒。花半酒微安且適，擁書高臥玉虹樓。

送沈辛齋南旋

傾蓋金蘭恨已遲，年來鄙吝頓消之。歸與難抑思家賦，驪也空翻惜別詞。莫遣西湖攀畫舫，好從東郡醉瓊卮。晴帆三月瀛洲近，花滿任城共和詩。  
美煞吳興畫裡山，好風催向欲歸船。君因絳帳留三載，我爲黃流駐兩年。冀北雲山空悵望，江南烟樹足流連。

靜怡軒詩草

九

相思別後知多少，太白樓頭拚醉眠。

韋晴帆手植盆菊見贈因賦以謝

愛菊終朝坐小堂，臨風把酒對秋光。兩三朶映淺深色，四五枝分遠近香。幽艷欲留黃閣客，清芬懶近紫羅妝。邇來鞅掌疎同調，花自從容我自忙。  
歲暮運河贈陸養愚

半載離愁可柰何，別來惟有夢偏多。斟殘臘酒遲歸計，典盡冬貂祇醉歌。君駐鳳城春又近，我行冰岸歲將過。寄言芸閣功成客，好趁晴帆轉濟河。

壽聖寺談禪用壁上韻贈雲浦和尚  
半生叅破色中空自在渾如疎竹風難易好憑心鏡豁  
去來欣見法輪同辦香茗禪無跡野鶴閑雲典不窮  
深院坐談清萬慮片時脫却俗塵紅

留別劉竹軒少農

患難追隨廿載前宦途分轍悵雲天相逢舊夢疑新夢  
共話今年異往年畫舫論詩遣我菊官齋對劇醉君筵  
歸帆又別燕山去回首清光一惘然

蘇慎齋少農專使遺書以菊囊玉壺並自書字幅

靜怡軒詩草

十

見贈詩以誌謝

敬展蘭牋意豁如論交早契盍簪初好詩羞對騷人和  
妙墨驚從草聖書晚節已誇菊作珮清心又見玉爲壺  
逝將永誌韋弦意祇愧瓊瑤報莫圖

戲贈惜花人

惠少宰納尹相國侍女如安爲妾詩以調之

十二年前舊錦帷惜花人喜畫新眉偷安不假牛衣卧  
近日春光付阿誰

良宵無復崑崙使相府紅妝好送春寄語安卿莫輕薄



郎君一拜值千鈞

蘭臺聽鼓夜迢迢莫更薰香事早朝記得漁洋詩句好  
迴身碧玉可憐宵

多情最惜是新花此日惜花興更賒不比香山老居士  
楊枝飛絮悵天涯

冬日歸舟述懷示龔楚香

歸帆又值初冬候尙喜薄寒風日晴衛水北流汶水去  
東山南望楚山行偶披書篋因忘字長守丹田爲養生  
杯酒扁舟霜鬢客知心惟有月同明

疊前韻酬楚香

靜怡軒詩草

七

去年風雪歸舟急今日南回緩復晴豈有龜琴消遣分  
趙閱道爲轉運使嘗携一琴一龜于部中那能牛馬轉輸行北堂高宴君期  
近東土福星余愧生佳句雙酬多俊逸開緘正見月初明

楚香旣三疊原韻兼承凝庵見和走筆再酬一律

佳章三疊欣莊誦恰值歸帆日正晴心淨有時隨水去  
風温無復打冰行分闌早擬輸龔子刻燭今還羨陸生  
投轄好同金谷飲詩成酒熟月華明

舟次南望四疊前韻荅楚香

往歲淹留豈計程歸帆今喜水天晴  
蜿蜒山色當牕見  
漱灑湖光照艦行  
北雪似綿溫麥子  
南風如醉飲先生

連日南風薰人

佳章四和驚才調愧我枯腸坐月明

五疊前韻荅凝庵

同舟莫漫數歸程  
共濟偏宜趁晚晴  
風暖雁從江國至  
水清船似雪溪行  
流光彈指頻年換  
斑鬢催人滿鏡生  
輪却士龍才思好  
詩裁冰雪淨聰明

靜坐偶成

靜怡軒詩草

十一

性命相關精氣神  
脉通督任本如輪  
垂簾深坐心無著  
得我先天一點真

要從捷徑著先鞭  
日月同明照玉泉  
樂奏中宮聲細細  
津生北海氣綿綿

過去方知是未來  
璇璣活潑亦奇哉  
無中生有明消長  
一竅通靈百脈開

安身立命是吾途  
漫說童顏變老夫  
十二時中觀自在  
週天輪轉勝醍醐

道心堅固上崑崙  
返照回光不二門  
丹鼎功成須火候



陰陽顛倒結靈根

不動之中象自垂  
元元大道在無爲  
欲知了徹靈明地  
祇向丹田靜裏窺  
龜蛇龍虎本生成  
人欲無常幾耗精  
轉敗爲功非易事  
須教一念住空明

泊舟濟上遇雪同青齋觀察話舊  
七載任城去復留  
停橈還憶舊同遊  
清池古木少陵廟  
心曠神怡大白樓  
積雪喜看滋麥隴  
敲冰怕見阻蘭舟  
與君共作飄蓬客  
幾度年華雙白頭

靜怡軒詩草

三

孔谷園書至卽用前韻却寄

重將鴻爪此間留  
咫尺東山想舊遊  
風雅客歸青雀舫  
清娛人侍玉虹樓  
谷園近自蘇  
納兩姬東歸  
香傳古驛梅花使  
興盡剡溪雪夜舟  
多謝雙魚遙寄處  
清光正見月當頭

和楚香雪後泊舟南池六疊歸舟述懷韻

雪阻任城路歸心喜  
放晴南池供客飲  
北雁促人行未識  
龜魚樂差疑鄙吝  
生同舟叔度在講席  
學陽明

聞希齋侍御巡視東漕口號志喜

忽聞

天語下蓬萊都道風流御史來瑞雪迎車瞻氣象清風  
滿袖淨塵埃十年水部情同契余與侍御曩在工部同事一路福星  
望共推

簡在將資韓范績轉輸先賴出羣才

卽席贈希齋侍御

繡衣奕奕下星軺使者青驄玉勒驕萬舸衝寒欣共濟  
十年僦直記聯鑣相逢舊雨兼新雨漫說詩瓢並酒瓢  
今夜雪消湖水活慙慙好爲酌三蕉

南池古木自森森慙媿甘棠有舊陰鴛馬已教前路導

靜怡軒詩草

古

翔鸞好聽入雲吟蘭橈正仰新猷壯麥隴先滋惠澤深  
喜見隨車飛六出功成預兆用爲霖侍御抵濟之日卽瑞雪盈郊

冬至後一日張秋道中漫興

早發張秋路陽回至已前雪光融曉日帆影控吟鞭臺  
壯風猶古山安澤已遷途次所經壯猷臺安山湖湖久成平陸轉輸竭心  
力來去幾經年余自辛丑冬巡視東漕迄今往來此地已不知若干次矣

靜中有感

大化人難造長生豈易論所求惟定靜活潑是真根  
釋空與道元各言性與命聖學在兼修渾然得中正



我在心頭坐方知前我非我心有所止性命更由誰  
心是國家寶身爲天下民身心日體會平治自長新  
純粹是工夫居行軫至善如如精氣神虛靈澈一貫  
本來無外道却在未生時返照見真境何須復餌之

東平道中寄內

向晚東平路荒村入轉幽霜風催北雁海日控南樓不  
見千人帳還移萬斛舟邇來吟興好祇未寄離愁

歸舟卽事示楚香凝庵

舟行無事且從容熨貼寒衣避晚風呼飯攻書勞稚子

靜怡軒詩草

五

分曹刻燭遜諸公不嫌欸乃煩雙櫂却愛晴和放半篷  
深坐何愁車馬苦碁枰酒盞送歸鴻

南旺分水口漫成

曲徑懸崖去復通平湖雙界一河中憑高月聳千峯雪  
望遠雲迷萬樹楓舟到泊時聞鳥語水分流處訝神功  
當年宋白存遺像想見洪猷今古同

舟過夏鎮晚眺

南去歸帆指戚城斜陽風物豁心情漁家村落寒烟靜  
漕運樓船晚棹橫晴雪喜占三白瑞良田預慶九餘耕

箇中遣興無他事茗椀詩瓢對月明  
早霧放舟  
莫憐香霧濕雲鬟  
最愛晴湖控遠山  
一帶水村迷雪岸  
數聲征雁叫霜灣  
最怡情是酒相慰  
正放舟時詩自刪  
光景也須人領畧  
休教辜負髩毛班

泊舟微山湖口感念舊遊  
星槎初泛薄微湖  
萬頃蒼茫畔  
岸無坐到月  
明人靜後  
滿輪秋浸水晶壺

望湖亭上快登臨  
踞坐雄談屢脫簪  
記得聯吟人醉後

靜怡軒詩草

六

湖光月影正沉沉

河神祠宇水中央  
利濟惟憑四大王  
七載瞻依昭感格  
靈旗半展碧雲長

微子山頭千尺雪  
留侯廟裏一聲鐘  
古人遺蹟依稀在  
何處重尋物外蹤

敲冰行寄懷程壽補太史

隆冬返棹任城東  
風和日暖波溶溶  
園林晴霽漸改色  
南池醉飲分詩筒  
檄書忽報北河阻  
星馳驛騎如從戎  
時當至後陰陽搏  
飛花六出失丹楓  
村墟烟樹雅雀冷



迷離一片涵空濛雁聲哀怨風號怒天色慘澹雲隆隆  
舟膠河凍坐愁絕帆檣森列驚蠶叢擠推不動停且住  
徒勞新供征三農上煩

宸慮下累泉悞漕罪與失機同司河守土兩無計千呼  
萬喚舂鍤攻木簞撐拽飛玉屑猶賴小艇羣開衙層冰  
重疊鑿更聚咫尺難於萬里通天寒日暮路途遠勞役  
駿瘠手足慵此行莫作等閒看酷似寸莛鏗洪鐘故人  
贈我踏雪卷形景逼肖敲冰容徘徊忽憶枚里客晝眠  
黃稠爐火紅垂簾深坐意不愜維揚舊約耽遊蹤

今春  
壽補

靜怡軒詩草

七

有遷居維揚之計未果  
何當歸來與君携手談契濶酣然還醉菝  
園中

舟至鍾吾冰合難行隨焚香默禱幸值早霧迷漫

凍解舟進有感漫成

風促陰霾冷雪催膠舟無計挽春回篆香三祝神方佑  
曉霧一時冰頓開西望雲龍悲霸業南臨淮海慕花臺  
山陽有劉伶稻花臺何當老子山頭住一部黃庭幾樹梅

早發鍾吾舟中望遠感懷

晨起寂無事推窻見遠山曉鐘三聖廟早飯古城灣海

嶽雪初霽江山日復圓蒼茫烟樹裏浩渺水雲間鬚鬢  
幾莖黑親朋一字艱丹心老逾靜白首志仍慳食苡當  
參劑飄蓬愧鷺班故鄉消息近吟望破愁顏

歸舟渡黃甚速喜而誌之

星海東來萬滙收龍門砥柱控中流渾融一氣凌天漢  
迢遞千迴出陝州怒浪轟雷神鬼馭驚濤撼日蜃蛟愁  
呂梁設險通糧餉淮沁歸宗入海湫葉葉風帆歸墨點  
滔滔烟水笑鴻溝馮夷貝闕藏幽溟聖后靈旗指上遊  
決陷幾經新復故宣防時患伏兼秋刷沙磬石勞臣力

靜怡軒詩草

七

昔斯文襄公輔於惠濟祠迄下作石工順性虹堤仰  
禦水俾冲激鼓盪通溜刷沙受益不淺御筆勒石實萬年底定  
帝猷今上南巡指示機宜開陶庄引河築欄黃垣  
鴻謨以順河性而禦濁流萬載轉輸飛羽棹

六巡警蹕穩龍舟安瀾欣慶冬歸日片刻危檣過鐵牛

頭草垣有鐵  
牛永鎮水患

長歌送俞念齋歸湖州

天地正氣之所鍾往往林泉屬老翁俞君今已近髦壽  
芝顏矍鑠凌喬松少年得第等拾芥梗槩不與凡流同  
驅車作宰臨青邑士民賴以回其風時當狼竄擾四境



匹馬持劍除妖烽

念齋令臨胸時正值王倫之亂

甘棠遺愛至今在遠

來童稚瞻音容

念齋已罷官十載客淮上適有臨胸民人來淮貿易者間之爭相趨叩依戀不

忍去先生名宿耽講讀下帷開我淮人蒙三年一試兩孝

廉生徒化育推元功忘年契洽感知已詩瓢茗椀春風

融歸歎忽動江鄉思片帆直指石林東一樽餞酒正入

口滿天瑞雪飛芄芄此去剡雪無限景佳章遙望雙魚

筒子陵垂釣君平卜耆碩每在孤高中數畝桑麻一溪

水兒孫繞膝扶仙筇自古知命享長年况復坐隱迪元

宮回看悠悠行路者憤然終爲利名備

靜怡軒詩草

九

次書院諸生送念齋山長南歸韻卽訂明歲來遊

之約

傳經真不愧河汾漫道桑榆景已曛絳帳我方親受益

旗亭人盡感離羣雲溪水好應移舫叢桂山高足論文

相約春風還共坐莫教淮士望南雲東一樹對西五人

飛坐歲暮送陸凝菴歸海寧時當大雪卽席賦贈春風

海門歸計促鄉關餞酒纔斟雪壓闌三白兆徵新歲月

六花裝點舊湖山我來欲辨尋梅屐君去偏宜訪戴灣

夢謝亭邊多好句花時應載畫船還

淮陰懷古

重城虎踞鎮淮流，遶郭帆檣日夜浮。  
漂母荒祠花草豔，枚臯舊宅燕鷺留。  
五王戈甲爭南渡，六代英雄據上游。  
往事銷沉形勝在，空教極目海天秋。

哭劉樸夫給諫

霜風忽報玉芝殘，剩有英靈一點丹。  
廿載掖垣同侍宴，三江親友盡披肝。  
半生清要人皆羨，滿篋文章孰與刊。  
異數飾終隆。

卹贈嘉名空向墓門看

靜怡軒詩草

三

輓殉節劉夫人

靜好同心素所鍾，生隨未必死相從。  
柏舟昔抱中河志，漆室今遺倚柱蹤。  
黃鵠悲歌沉幻海，綠珠血淚染寒松。  
捐軀漫說尋常事，旌節誰能動九重。

寄管松崖閣學

迨隨使節幾經年，傾蓋歡生信宿緣。  
紫禁早看榮上第，青驄時復畏先鞭。  
叨陪簪筆台垣近，幸坐春風淮海連。  
速漕頻籌天府粟，恤丁常貸水衡錢。  
星槎初莅三冬暖。



繡幃重來萬彙妍嶽峙淵涵忘叔度光風霽月想伊川  
何當水驛分齊魯却令雲山望薊燕兩地懷思剛半載  
九重恩遇喜三遷絲綸閣下新宗伯鷓鴣班中舊斗躔  
風送鳥聲歸畫省月篩槐影步花輓心如金石高千仞  
人是蓬瀛第一仙嘉績頻邀

明主譽雄文應共古人傳羨君學比相如富媿我才無  
鮑叔賢收放心慙栖樹烏愛閑坐學老僧禪勞薪轉徙  
何由息病馬踟躕祇自憐別後新詩知滿篋好傳梅信  
到江天

靜怡軒詩草

三

寄任畏齋

淮水深情喜復親感君契洽意猶真三年受益偏憐我  
半世相知能幾人冀北羣空思老驥江南風冷黯征塵  
封緘淚染雙魚濕矚望陽和早布春

歲暮淮河漫興

粼粼淮水泛千檣咿軋聲中送夕陽隔岸人家忙歲事  
近城絃管醉河房黃劉跋扈雄藩地吳楚凌夷古戰場  
聖世於今清壁壘安瀾長此固金湯

立春後一日自河口回署途中遇雪

春雪迎年至平疇一抹鋪湖山探合沓雲樹入模糊訪  
戴應乘興尋梅好作圖天公眞愛物大有兆先符

午日邀趙耘松觀察暨惕莊晴嵐小集次耘松韻

廿年舊雨此重親卮酒寧辭一再巡往事休驚嘶陣馬

清歌喜對倚樓人平蠻經濟留聲遠課士文章報國均

時主講揚州暢好竹西風雅地歐蘇千古共昏晨

附原作

折簡欣叨雅誼親蒲觴泛座酒千巡恰逢笙管娛佳

節誰肯雲霄念故人戰壘重談滇驃信舊從公同在滇南戎幕

靜怡軒詩草

三

戲場正演楚靈均是日演屈原龍舟故事欲知留客情深處聽

罷歸來已嚮晨

哭程壽補太史

半世逃名老翰林廿年趨直舊知心論詩嘗坐溪邊月

對酒時聽松下琴韋杜才華饒老健歐蘇述作更雄深

一朝千古成虛夢淮海悲風淚滿襟

矚望河魚已霍然豈期枚里失高賢輟春土庶悲淮水

弔鶴風雲泣海天曰玉樓成天使召老人星隕地仙眠

荻園從此空花草痛絕黃鑪感舊篇



淮署大觀樓晚眺漫成

雪後登樓果大觀豁然始覺太虛寬江山迢遞迷雲樹  
城市微茫透羽翰海氣當窻春入蜃風帆繞堞夜憑闌  
可憐百戰強藩地多少英雄冷眼看

自遣

深坐垂簾養浩然閑花濁酒斷情緣身勞未必心無住  
藥苦何妨病有年適意每因行處止爭強偏見後居先  
夢回且看窻前月一部黃庭悟性天

安肅黃芽菜

靜怡軒詩草

三

安肅田塍好清香菜亦奇霜芽出土潤露葉入筐滋恰  
好陪青韭偏宜配綠葵佳蔬供素粲肉食日來卑

齋前叢竹

堂前修竹儘檀欒稚筍纔生帶露餐簞簞虛窻千百个  
亭亭疎檻兩三竿公餘好伴松爲友雪後欣同梅並看  
清白家風無別物此君真可報平安

老妾松卿與余同歲因兩兒諸孫在京需其撫育

未得同來淮署新春附書寄示

淮壖卑濕病難痊幸獲平安慰目前俸厚那知存處少

心寬何在俗情牽二千里外春同賞半百年來老共堅  
繞膝兒孫卿獨占只憐辜負五湖船

自適漫成

白髮蕭蕭歲月增恍然頓覺炭非冰老輸鵬翮冲霄力  
病愛曇華入定僧於有興時還自賦已無情每被人憎  
近來更向深堂坐一味收心萬慮澄

水仙

凌波素襪淨含香瘦骨臨風幾斷腸舞袖似憐孌弟媚  
折腰爭羨雪兒妝莫愁玉貌無詩對可愛冰姿有酒償

靜怡軒詩草

三

真箇前身是姑射玲瓏心性得中黃

觀劇口號

清音檀板說蘇州吐出宮商字字幽紅袖歌殘鸚鵡舌  
玉簫吹破杜鵑愁興亡底事爭俄傾聚散真教悟泡漚  
一曲月明人靜後繞場還覓封侯

夢中得句醒後續成

竹影窺簾銀燭冷蛩音破夢月窻移起來獨上閑亭立  
正是更深人靜時

寄贈了凡上人



野鶴孤雲去住身豈緣老病避囂塵縮衣久謝京華夢  
錫杖閑尋物外春時對香花叅古佛每依山水作天親  
近來蓮社應無伴能否吟詩寄故人

寄隱士趙石林

聞君高尚志投老萬緣輕原憲貧非病希夷隱得名林  
泉徵興趣道德豁賢聲南望春帆近還期倒屣迎

郊行雜咏

白雪黃雲織與耕虫虫端的賴鄉氓衣租食稅尋常事  
粒粒絲絲心力成

靜怡軒詩草

三

粼粼淮水繞城闌白社青旗逗好春多少閑遊人醉卧  
陌頭忙煞力田民

勸農藉得賦春遊雲樹溪山遠更幽恠煞無情呵殿者  
一聲驚起欲眠鷗

馬蹄春草踏晴沙帽影鞭絲一徑斜朝旭迎來楊柳岸  
清陰遮入野人家

紅菱紫蟹足南鮮幾處高樓醉管弦遊子不知春晝短  
日斜還上澗河船

題煉丹圖贈王樸山煉師并序

余舊有全真古畫一軸貌瘠神腴不辨爲何人  
蹟像秘藏之久矣樸山道人來淮相見宛如舊  
識亟出此畫同觀不禁相視大笑因題以贈之  
余於此畫本不期而得樸山於余復不期而晤  
而此畫於樸山又不期而合皆所不可解夫事  
之不期然而有所不可解者孰非因緣造  
化之爲之歟

劫外化身超然埃壘金丹大道充內塞外名曰全真天  
地交泰暇輒靜觀熙熙春靄樸山道者道行獨最執手

靜怡軒詩草

六

披圖示以四大真幻孰量離合如蛻遊戲神通現此狡  
獪是有因緣不可意會以君贈君非直圖繪歸鎮山門  
何如玉帶

九日舟泊津門望鄉

海天秋色兩茫茫獨卧蓬牕客夢長半部離騷傷九辯  
一帆風雨過重陽鏡中每苦繁霜落杯底偏驚駭浪狂  
回首家山舊遊處茱萸紅對菊花黃

重陽後一日舟泊北倉晚眺感懷

繫舟古槐陰日入沙村渺隔岸聞人聲片帆出樹杪冷



冷水際霞啞啞霜中鳥風清月朗時綠酒黃花少撫序  
動鄉思悵然一臨眺

九日望兩接內人書賦寄

蕭條旅况促行舟無限相思又暮秋淮海月明香霧濕  
塞天風急野雲稠盈樽綠酒消繁緒入眼黃花動隱憂  
珍重遠來雙錦字恍如清夢話離愁

晚過靜海舟中口占

輕帆高挂雉城東如畫行舟興不窮淺水人看篙打月  
逆流船與浪爭風三更入破成樓笛一字驚寒沙渚鴻  
極目詩情最蕭散秋燈漁火有無中

靜怡軒詩草

七

得晴村表弟書喜其得子并承示新詩卽次元韻

寄賀

晨起坐衙齋簷鵲噪不已忽得故人書瑤光五色美開  
緘欲起舞狂笑簪脫珥東坡昔有言有子勝臚仕君今  
五十餘毛髮日落矣而未抱寧馨云胡不掛齒雛鳳隱  
丹苞鳴鶴思和子一朝試啼聲歡心洽祖妣懸知集賓  
朋必更招伯姊裁成弄璋書千里我久俟願言遙致詞  
天龍豎一指瑤池蟠桃花結實從此始匪媚以獻諛惟

德實可恃君家勲華胄添丁  
聖心喜培此六翮成好歌雙珮委

懷龔楚香

久濶蘭交望典型別來猶憶話旗亭君從冀北歸淮北  
我向徠寧去永寧萬里花門春漸老三更清浦夢曾醒  
心知欲問閒中趣散淡真同陋室銘

前詩意有未盡續以五言

別後知音少初來客夢多悔尤深自惕疏懶漸成魔愛  
種春畦韭時移夏景荷觀山忘乏簣疏水待盈科散髮

靜怡軒詩草

元

長欹枕臨流每脫鞵月明須酌酒花好足狂歌乳燕看  
回剪啼鶯喜織梭素餐因性淡酣睡爲風和羞比清高  
士端居安樂窩收心惟默默守口但呵呵虛竹含風靜  
澄潭示雁過有情皆變幻無著僅消磨癡妄隨人意貪  
嗔奈我何魚龍識北溟名利醒南柯忍辱應祛障存神  
豈致訛雖云同木偶祗幸沒風波寄語毘陵客鱗鴻賜  
揣摩

徠寧卽事

絕域人初到孤城春又深山花移近圃風樹訝鳴禽萬



里烟霞日干尋冰雪岑撫時憐異俗安命任浮沉  
春分喜雨  
侵晨膏雨降南阡三十六番初霈然萬里雲深迷曉嶂  
八荒風急促鳴絃節逢中日陰陽合春到分時榆柳鮮  
佇望西成憐絕域  
九重從此頌豐年

巡查卡倫一路山行感賦

緩轡崇岡曙色曛成亭叢錯犬牙分行來有路皆爲石  
看去無山不是雲碌碌抱關嗟異地匆匆披褐冒塵氛

靜怡軒詩草

元

駑駘未及涓埃報鞅掌難言少効勤

早行渡河至喀朗圭途中口號

凌晨策馬問前津平野風微靜塞塵旭日纔臨金泯漾  
春山猶見玉嶙峋雪嶺至夏不消村花逞態偏經眼沙鳥驚飛

解避人萬里徼巡間騁目綠楊深處透重圍

暮春途中卽事有懷却寄明寅齋將軍兼示陸友

魯瞻二十八韻

獨作客中客來遊邊外邊錦屏看面面翠浪聽涓涓恬  
澹雲陰合悠揚鳥語娟綠翻楊柳徑紅綻杏花天新漲

明幽壑芳林繞巨川晴絲窺雁字春草帶溪烟狡兔迷  
三窟驚麇斃一絃過橋飛鋏騎競渡喚戈船曠野天疑  
近斜陽路覺偏行厨無麥飯旅況有榆錢蹀躞慚歸鶴  
疎狂類野鳶到山亭障冷伏郭黍苗鮮人被重城隔心  
惟兩地懸感君憐後學愧我負先鞭梅驛多離索芸窓  
想晝眠滿園皆爛熳半月少纏綿詩酒應如昨琴書坐  
似仙倪黃時對晤李杜日當筵治圃饒青芷移荷待碧  
蓮

將軍種荷來寧二年來開時芬馥

靜恬方止水清寂得枯禪妙境人

爭羨佳賓主倍賢芝蘭同氣味南北結因緣

陸子魯瞻吳人從將

靜怡軒詩草

三

軍十年賓主極相款洽

梁父吟應寄

將軍與武侯同名上一字則武侯字也

放翁詩

并傳謂陸友

踏青時已過賜火是何年

時已寒食

萬里思蠶市

三春想艾芊幾回凝望眼一意促行旃孤館愁中坐相  
思夢裏牽歸來將上已佳會足留連

玉古爾察道中遣興

侵晨新雨濕花茵遣興平疇學塾巾嫩綠纔勻邊外柳  
軟紅輕浥陌頭塵尋芳到處堪遊目作客何人不惜春

絕域漫慚空老大

天心萬里惜孤臣

時特復世爵



晨起自玉古爾察至烏帕拉特卽景二首

芳林昨夜雨滿地胭脂冷舉首望南山幽然雲氣靜行  
行踏錦茵迢遞濕千頃佳景足徘徊心馳馬亦騁山城  
見落日愛此清涼境夜氣中宵寒仰觀壁壘靖輕風動  
危襟纖月照孤影渾欲效劉琨啼鷄時一警

自玉都巴什至伊勒固楚道中漫題

城外青山山外城戎樓相望肅弓旌

德威萬里臨荒服感畏千年息甲兵綠草含烟連紫陌  
碧溪繞樹遶黃鶯郊遊佳興知多少笑指東南細柳營

靜怡軒詩草

三

圖默舒克途中遣懷

逡巡萬里亦前緣試馬春郊倍爽然青草池塘黃犢路  
綠楊村落碧螺天四圍山色斜陽裏一派鶯聲毳幕邊  
烟景召人尋樂境旅懷從此慰長年

特爾格起克至特比斯道上口占一首

杏花深處隱回村遍引清渠繞四鄰渺淡綠陰嘶牧騎  
喃喃紫燕迂征人雨過香稻黃雲濕風颭春溪碧浪勻  
多少旅情無限景幾曾辜負往來頻

登山行寄懷寅齋將軍

我無班馬之雄畧兮，尤少光吉之鷹揚。何來西陲於絕域兮，逐萬里之遐荒。自謂不及騏驥之超忽兮，騰龍驤豈能效鴟鵬於南溟兮。足翱翔嗟勞人之羈縻兮，笞戎羌慨老顛之蹉躓兮。走且僵徒美彼莊生之蝶夢兮，游瀟湘竊比夫伏波之矍鑠兮。輸康強邇迺嘉春光之媚爽兮，控遊韉豈堪此敝車羸馬兮。恨未遑巍巍乎千山萬壑兮，引領而望將且迅奮振策以舒嘯兮。欲陟崇岡忽憶及徐行措足以免困危兮，戒猖狂感溫公之至言兮。寓意精良因而直前嚮往兮，嚴隄防壯哉履險如夷。

靜怡軒詩草

三

兮態度堂皇倏而凌風颺於厥顛兮，聞雷琅豁然置身於霄漢兮。心徜徉仰觀初日於東海兮，升扶桑俯臨巖崖於俶詭兮。虎視羣羊睠星宿於河源兮，連天湟晒葱嶺之綿亘兮。接燉煌觀回市之輻輳兮，四時忙羨窈窕以靜觀兮。妙難量颯颯寒風撲面兮，衣輕颺冷冷急霰窺人兮。身清涼安得石髓兮，修養長房或乃乘蹻遠舉兮。笑指仙鄉何當回首山城兮，雲氣蒼茫企想伊人兮。各天一方相思縈結兮，了無盡藏不日歸來且園兮。共

醉霞觴



自鐵烈克卡倫至察木倫軍台卽事感懷四首

凌晨策騎下崇岡一望平蕪旅興長回首林巒何處是

吟鞭笑指白雲鄉

佳會流觴客裏違將軍且園中烟花三月境殊非邊城

萬里航遊興春漸歸時人未歸

西陲亭障久防邊數萬貔貅時控弦豈僅回城羣授首

垂楊向化盡朝天回地長楊枝葉向上殊異內地

纔過戍亭又驛亭客中身已似浮萍離騷半部一樽酒

涼月清風倚石屏

靜怡軒詩草

三

朔日至英吉沙爾卽事述懷

擊鼓吹鐃迓客途殷勤殊禮競歡呼

九重威德頒荒僻萬里農桑入版圖自愧葑菲勦重鎮

天憐清寂惠家書是日喜接家書山城近日多寧謐敢效偷安

慢虎符時連奉將軍手札

封會以黃羊馳送寅齋將軍併附絕句

喜得山麋帶血歸題詩馳獻表芹微將軍且莫懸金賞

不是頭鶩第一圍

暮春望後旋署小集寅齋將軍且園

春郊跋涉若爲情，幾許離情脉脉生。  
白雪山頭紅日近，黃沙谷口綠楊橫。  
心緣行去時懸旆，人復歸來夜舉觥。  
不到園林纔半月，杏花如雪打啼鶯。

官池春雁卽用少陵二絕原韻呈寅齋將軍

不作書空態，棲遲亦自羣。  
懽呼戲春水，滌蕩碧溪雲。  
衡陽是故鄉，飛去怕嚴霜。  
矰繳何堪慮，波瀾時共防。

獨坐遣懷

懶慢飄蓬客，邊防二載留。  
耕桑憐異俗，行止愧前儔。  
恬淡無營運，清閒寡悔尤。  
茶鎗渾自慰，藥裹迺關愁。  
春草時還綠，新花日復稠。  
啼鴛深樹穩，乳燕石樑幽。  
醉眼蒲桃釀，驚心苜蓿秋。  
山城孤向日，雲水靜眠鷗。  
活計同吳會，棲遲笑楚囚。

九重恩屢重，萬里懼難酬。  
班馬功勳遠，蕭曹廊廟憂。  
此身微且陋，天地一蜉蝣。

余與寅齋將軍同居公署後圃，復與西園相通，朝暮往來不分主客，因賦自遣一律，兼呈索和。

兩家相隔一疎籬，來往無煩預卜期。  
日色到山吟興劇，月明如水醉歸遲。  
池邊共坐觀魚躍，花下携行悅鳥嬉。



從此賞心多樂事芒屨竹杖願追隨  
春夜獨坐

送春無柰意遲遲戍鼓寥寥夜靜時  
半院花陰香暗透  
一痕簾影月微窺乍迴清夢依稀記  
擬到家書展轉疑  
獨坐凝神觀自在海東初日到重帷

立夏後聞黃鸝

節候殊方異春鶯夏始來  
絲綿和語燕恰恰送歌臺  
嬌小含櫻態輕盈  
砭耳才不須頻顧影  
鸞婦正徘徊

送春

靜怡軒詩草

五

送春歸去我忘歸又見漫天柳絮飛  
萬里看花人漸老  
八年問水事多違  
悶隨碁局消長晝  
醉倚山牕對落暉  
更有養身真妙訣  
新蔬甜淡藥苗肥  
自遣呈寅齋將軍併示陸魯瞻桂芳洲

莫論地北與天南  
安處何妨卽駐驂  
况有雲山時綵戀  
更憑花鳥日沉酣  
盈虛妙契謙爻六  
道義欣逢益友三  
滌盡塵襟無著象  
靜觀明月照澄潭

邇來

邇來何事滌煩襟  
一部離騷一曲琴  
倚檻鶯聲輕入耳

品茶水性淡於心是非時向癡中悟名利無須鬧裏尋  
壯氣日消人漸老且憑詩酒惜分陰

靜坐

山城春盡喜初晴靜坐觀花氣味清逐婦鳩鳴知雨意  
啣泥燕語諳風情欲叅物理須磨鏡要息心機待舉觥  
隨分隨緣尋自在此身安處了餘生

醉歌

人生樂境苦無多何不乘時且醉歌水底潛鱗虛下餌  
雲中高羽枉張羅漫言微物恒無性難保常人不入魔

靜怡軒詩草

三

癡慾貪嗔收拾起自然到處沒風波

寄示迎孫

喜得家書至開緘覩阿迎八年隨水陸萬里隔幽并錦  
玉從今厭詩書與古盟乘時多勉竭拭目待飛鳴

亭上偶題

白雲亭北厥柴闌掩映河池碧一灣風動柳陰低浸水  
雲移日色遠啣山鶯聲幽咽尋花至蝶夢依稀載月還  
無事反愁閒不得新詩改罷又重刪

且園卽景賦呈寅齋將軍



且圖佳景邇來多我爲將軍喜作歌行酒落花飛玉斝  
賦詩明月倒金波七年伏虜推充國三月流觴踐永和  
且園有曲水流盃亭幸得追陪尋樂境他年猶約共烟蓑

自喻

無端危坐自捫心悔吝須從臯往尋萬事榮枯天已命  
五中定靜古爲箴預知春老防花落正想秋高怕夜深  
警戒時惟清與慎此生猶恐禍災侵

花門卽目

自奉安邊

靜怡軒詩草

七

詔西陲使節通八城屯勁旅三載賦彤弓風俗今仍異  
衣冠尙未同雪山冰不解瀚海路焉窮春樹依然綠鮮  
花也自紅葡萄斟碧釀苜蓿飽青驄最苦廉纖雨偏宜  
穉程風回地稼穡粟木經雨則阿渾皆日者莫洛盡冬  
烘阿渾念經勸善尖帽頭頭白馴雕處處籠刀鎗虛點  
莫洛識字教人

綴橐鞬枉精工回紇懦弱無能不諳技藝巴柵兒羣聚納麻子素崇

蹇驢非負米回人極重養良馬爲抽撞馬乳日作七最

好勤耕織難期愼始終夫婦不睦多有離親疎雖諾諾

婚嫁總悽悽同祖兄弟姊妹世爲婚媾邇漸知

王化時猶感

帝袞輸誠荷

普育物阜永年豐

庚戌烏什端陽偶成

午日薰風透戟轅浴蘭時節寄窮源山城夏令如冬令

回部中元作上元

回夷以五月爲歲首

朱索漫誇雙臂美臬羹會

荷

九重恩蒲觴醉入思鄉夢不見龍舟日已昏

寄內

靜怡軒詩草

三

兒女心情久不痴此行真箇願如之紅顏舊事卿休憶  
白髮新裝我自知萬里月明相望處千門春曉共吟時  
邇來莫作刀環夢且把瓜期意轉遲

暮春靜坐無事喜接家書


青山遶郭水環池悵望春歸燕到遲午夢乍醒香茗熟  
晚衙纔放錦鱗炊豈緣舊事心常擾時得新詩手自披  
萬里書來開笑眼也如一面晤妻兒

春畦散步

衙齋公事少午夢覺來早隨便啟書牕因思閑步好小



園潔亦幽不必呼童掃新韭共春芹清香過鳳腦邇來  
肉食鄙對此以爲寶僻地罕所欣渴懷真絕倒人情與  
物理逐境如窺濠馬齒掩鳧葵苜針奪蕙草安得畦丁  
除穢盡刈之從此嘉蔬終可保洋洋乎快慰生平歸去  
來默默然良圃優遊將娛老



靜怡軒詩草

完

來想

荷綠

時里

內食

同樂

